



Шормо эл, порумлык да гун берр!

19-ше (3251) №,
2016 ий 7 май,
шуматкече.

ЯМДЕ ЛИЙ

1933 ий 1 февраль годсек лектеш.

0+

САЛТАК-КОЧАЙНА, ТАУ!



С.И.Иванов – эн пиалан фронтовик. Тудын индеш уныкаже да 13 кугезе уныкаже улыт. Пайрем кечын, снимкыш ончалза, йырже мынярын чумыргеныт! Кугу Отечественный сар годым колымаш тудын вуй ўмбалныже шуко гына пўрдын. Тушманын пуляже мыняр гана сусыртен! Семён Ивановичлан – 95 ий, тудо Морко посёлкышто ила. Кажне ийын 9 майыште пачерже весела йўк-йўан дене темеш. Тунам йўратыме коча уныкаже-влаклан вич боевой орденжым, медальже да фото-влакым ончыктылеш. Сар корныжо, Марий Кужер школышто 33 ий туныктымыжо нерген каласкала. Ветеранлан тиде огыл мо пиал?

Н.СЕМЕНОВА.



**Россий почто
подписке декадым увертара.
12 ГЫЧ 22 МАЙ МАРТЕ
“Ямде лий” газетлан шулдырак
ак дене возалт керты-
ДА!**

Электрон подпискылан возалтнеда?
Билайн сото кылын **89093687726**
номерышкыже **150** текгем пыштыза.

Вара **etanova.anf@mail.ru** адресышке серышым колтыза. Тушто фамилийдам, лўмдам да электрон адресдам ончыктыза.



ЛУД ГАЗЕТАМ!

«Ямде лий» газет гыч шуко ум, оңайым пален налам. Садлан кажне шуматкечын толмыжым изин-кугун вучем. Тиде йоча газетым ешыштемат чылан лудыт. Тушто мыйын серышем ужыт да моткоч куанат. Нуным чўчкыдырак куандараш тыршем. Мыланем «Ямде лий» пеш чот келша. Арняште кок гана лекташ тўналеш гын, моткоч сай лиеш ыле!

**Алёна ВАСИЛЬЕВА, 8-ше класс.
Морко, Эгерсола.**



Йочалан корным ончыктат



Авторын фотожо.

Ўдыр-рвезе-влак, туш-тым туштем, палыза, кӧ тиде: «Кавасе шӱдыр гай йӱла, мастарлыкым ий еда шуара, тунемше-влакым, шӱм-чон дене арален да йӱратен, порылык корно дене вӱда, тудым ок лӱдыктӧ нимо». Чын, тиде ТУНЫКТЫШО! Тыгай койыш-шоктышан педагог да воспитатель-влак 26-29

апрельыште Йошкар-Олаште эртыше конкурсышто мастарлыкштым ончыктенят. Теве ончалза-ян снимкыш. Нине педагог-влак коклаште тендан туныктышыда уло? Тугеже, кызытак саламлыза. Тудо, районыштыда сенгышыш лектын, «МАРИЙ ЙЫЛМЫМ ЭН

Сенгыше-влак Марий Элын чапшым Все-российский конкурсышто аралат.

САЙЫН ТУНЫКТЫШО – 2016» республиканский конкурсышто тагасен. Тӱрлӧ район да ола гыч 10 педагог тений тагасымашке ушнен. Сенгышыш Морко районысо Зеленогорский кыдалаш школышто ИКН-ым, кугыжаныш марий йылмым туныктышо Миральда Александровна Воробьева (снимкыште – ончыл радамаште покшелне) лектын.

«ИДАЛЫКЫН ТУНЫКТЫШЫЖО» лӱмым 2-шо номеран Медведево кыдалаш школышто биологий уроком вӱдышӧ Татьяна Евгеньевна Лопарева сенген налын.

Ты конкурсышто 17 туныктышо лийын.

«ИДАЛЫКЫН ВОСПИТАТЕЛЬЖЕ» конкурсышто 16 воспитатель тагасен. Ты лӱмым Козьмодемьянск оласе 4-ше номеран «Теремок» йочасадын воспитательже Светлана Сергеевна Гичкина сулен.

Л.ГРИГОРЬЕВА.



Ярминга

Тунемше-кидмастар-влакын ярмингашт кумлымшо гана кодшо шуматкечын Йошкар-Олаште эртен. Тушко республикысе 100 утла школ ден профессиональный училище ушненят. Снежана Куклина, Яна Щербакова, Таня Горохова (снимкыште) шун гыч ненчыме арверыштым ужалаш конденят. Ўдыр-влак Советский районысо Ўшнӱр школышто 7-ше классыште тунемят. Ты мастарлыклан нуным «Керамике» кружокышто Владимир Геннадьевич Окунев туныкта.

А.ЭМАНОВА.

Киноидалык 25 апрельыште Марий кугыжаныш университетыште икымше марий киноактрисе Валентина СМИРНОВАМ шарныме лӱмеш кинофестиваль мучаш лалтын. Мийыше-влак архивыште аралалтше ятыр материал дене палыме лий-

1895 ий 7 майыште руш физик Александр Попов радиомшонен луктын. 50 ий эртымек, 7 майым Радион кечыже семын палемдаш тӱнгалыныт.



Пытаргыш гана тый могай кино онченат?

ыныт, В.Смирнован модмо «Сквозь огонь» фильмым онченят.

Куанле пагыт

Чевер шошо – мемнан дене оза. Чинчын-вунчын йылгыжше лумын пушыжат кодын огыл. Йырваш уjarга. Шошо пагытым сӧрастараш шокшо вел гыч шулдыран йолташна-влак пӧртылыныт. Сылне мурышт дене кумылнам нӧлтат. Шошым чонышто куанле да куштылго.

Аделина ПРОКОПЬЕВА, 6-шо класс. Медведево, Шойбулак.



Шымлымаш паша лектышан


Советский район Ронго школышто Талешке кечылан да Россиясе кино идалыкклан пöлеклалтше конкурс эртен. «Литературное творчество» секцийыште мемнан школ гыч Никита Мурзаев (8-ше кл.) «Пошкудам дене кугешнем» сочиненийже дене I верым налын.



Шымлымаш пашалан йоча-влакым ИКН-ым туныктышо С.Ф.Рыбакова кумыланда.

Тудо Марий Элын сулло артистше Сергей Мамаев дене палдарен. Алина Мамаева Марий Элын сулло артисткыже Алина Егошина нерген шымлымашыжым «Мои открытия» секцийыште арален. Пашаже III вер дене палемдалтын.

Л.А.БИРЮКОВА,
тўналтыш класс туныктышо.
Шернур, Шўдымарий.



Рвезе але ўдыр сочиненийым возаш йöрата?

Ўдыр-влак маныда гын, йонгылыш лийыда. Куженер район Токтайбеляк школын 6-шо классыштыже тунемше Антон Богданов ўмаште Кугу Отечественный сар нерген сочинений конкурсышто республик мучко 1-ше верым налын. А Россияшты финалист-влак радамыш логалын.

– «Письмо Ване Солнцеву – сыну полка» вуймутан сочиненийым шагатат пеле вознам, – оила Антон.

Н.СЕМЕНОВА.

Ачам Андрей Пакеев 1987-1988 ийлаште Новосибирскыште служитлен, механик-водитель лийын. Машина дене кудалышташ тудлан утларак келша, садлан, пöртылмек, колхозышто шофёрлан пашам ыштен. Ынде пашазе-влакым автобус дене пошкуда ялысе кермыч заводыш шупшыкта.

Коля изамат армийыште служитлен (**снимкыште**). Сарапулысо пищевой техникумым тунем пытарымеке, Воронежыш логалын. Тушто мобильный ротын анти-террор подразделенийыштыже сайын служитлен. Агрыз райвоенкоматыш тауштымо серышымат колтенят. Тиде серышым военком И.Галеев ўмаште Сенымаш кечылан пöлеклалтше митингыште калык

ончылно лудын пуэн.

Мый пеш чот йывырте-нам ыле. Кызыт изамшке профессийже дене пашам ышта. Тыгак Сарапул олесе марий-влакын «Чолман» фольклор ансамбльыштышт кушта.

Мый ачам да изам дене пеш кугешнем, нунын семынак армийыш каяш шонем.

Володя ПАКЕЕВ,
5-ше класс.

Татарстан, Агрыз, Буймо.



Историйым шергалына

Кугу Отечественный сар годым Крымский операций (1944 ий 8 апрель - 12 май) эн тўн наступатлыме кредалмашлан шотлалтын. 4-ше Украин фронтын войскаже-влак Крым полуостровым фашист тўшка деч утараш манын, наступленийым тўналыныт. 15-16 апрельыште Севастополь деке миен шуыныт.

Сеҥенат – чап тылат!

2015-2016 тунемме ийыште Россия олимпиадын регион кўкшытыштыжö 67 образовательный организаций гыч 208 тунемше сенышын лўмжым сулен налын. Икымше верыште – Йошкар-Ола, 149 вундеркинд келге шинчымашым ончыктен:

- ✓ 28-ше номеран лицей – 34,
- ✓ Политехнический лицей-интернат – 25,
- ✓ Бауман лицей – 21.

Ялысе школла коклаште **Коркатово лицей (Морко район)** да **Шуко профилян лицей-интернат (Руэм посёлко)** гыч куд сеныше дене лектыныт.

Сенышыш лекше ўдыр-рвезе, «Основы православной культуры» предмет дене олимпиадыште ойыртемалтше да Юл кундемысе федерал округысо Интеллектуальный олимпиадыште сеныше-влакым **5 МАЙЫШТЕ** торжественно саламленыт.

Марий Эл Республикысе образований да науко министерствын уверже почеш.



Нунын гай лийнем

Сенымашлан – 71 ий!

Сар ынже лий!

Кугезе коча-кована-влаклан сар годым пеш неле илыш логалын. Нуно шоненыт: «Теве сар вашке пыта, ачана-влак пӧртылыт... Тыныс илыш тӱжалеш». Тылыште йоча да ӱдырамаш-влак эр гыч тӱналын кас марте пашам ыштеныт. Южгунам кочкаш киндыштат лийын огыл. Ава-влак шке пайыштым йочаштлан пуэныт, а шкешт шужышак пашам ыштеныт. Сар пеш шучко, тудо ни гунамат ынже лий!

**Миральда МАЯКОВА, 7-ше класс.
Марий Турек, Марий Купто.**



Кочаемын илыш корно
Лийын пешак тӧрсыран.
Нелын эртыш салтак корно,
Кочай тольо пел йолан.

Кочам вуйым сакен огыл,
Чакнен огыл шенгекат.
«Киров» колхозышкат тудо
Ушнен моло семынак.

Кочаем мондалын огыл
Шочмо калыкше нерген.
Кинемеханик лӱмым тудо
Шке пашаж дене сулен.
**Лиана КУДРЯШОВА.
Морко, Шордӱр.**



Шарнен илена

Кажне эрдене школышко кайыме годым ял покшелысе стела воктеч эрташ перна. Тиде шарныктышым Кугу Отечественный сар годым сӧй пасуэш вуйым пыштыше-влак да войнаште кредалше-шамыч лӱмеш шогалтыме. Стелыште ятыр фамилий уло. Мемнан ял гыч шуко таза пӧрӱен Родиным аралаш каен, но шагалже мӧнгеш пӧртылын.

**Маша
ДМИТРИЕВА,
1-ше класс.
Морко,
Коркатово.**

Тек
вуй ӱмбалне эре канде кава
лиеш, тек эре кайык муро йӱнга,
тек эре весела йоча йӱж шергылтеш. Тек
эре тыныслык лиеш!

**Кристина САНДАКОВА.
Йошкар-Ола, 14-ше №-ан гим-
назий.**

Мыйын кугезе
кочам – Яков

Павлович Майоров-Шкетан, марий сылнымутын классикше. Тудын кок эргыже лийын. Новомирже – мыйын кочам. Изаже Шемер Яковлевич Майоров 1925 ийыште шочын. Кугу Отечественный сар годым сапӧр лийын. Пален налынам: 1944 ий июньышто Петрозаводск олам утарымаште лийын. «Мрачную картину представляли пять городских концлагерей – высокие ограды из колючей проволоки. В лагерях томилась свыше 20 тысяч советских людей... Большая работа выпала на долю саперов батальона под

Марий салтак-сапӧр

командованием мичмана С.М.Жидкова. В течение недели они обезвредили более 5000 мин», – возалтын морской пехотын 31-ше отдельный батальонжын командирже И.С.Молчановын шарнымаштыже.

Тиде кредалмаште Шемер Яковлевичат лийын, шонем. Вет тудын ӱмыржӧ 1944 ий 29 июньышто кӱрылтын. Минеш пудештын. Тале марий салтакым Карелийыште, Кекозеро ял воктене, тойымо.

**Игорь МАЙОРОВ.
Оршанке,
Тошто Крешын.**



Тау тыланда!

9 майыште

Кугу сар пытен.
Мемнан калык фашистым
кырен шалатен.
Кызытат ме тидым шарнена
Да ветеран-шамычым

саламлена!

Тау, тыныс илышым конденда,
«Таза лийза!» –

тыланда манына.

Подвигда нигунам

ок мондалт,

Россий калык эреак шарна.

Эмилия АЛЕКСАНДРОВА,

5-ше класс.

Морко, Коркатово.

Ынже пүралт нигöлан

Кугезе кочамын изаже, Аркадий Иванович Анисимов (снимкыште), Купсола ялеш 1921 ийыште шочын. Зеленогорский посёлкышто илен, 10 классым тунем пытарен. Паша корныжо Арын школышто тўнгалын. Тушто математикым туныктен. 1939 ийыште Йошкар Армиыш налыныт. Кавалерийыште служитлен. Тушман ваштареш Белоруссий мландыште кредалын. Брест ола воктене лийын. Пленыш логалын. Осло олесе лагерь гыч союзник-влак утареныт. «Пленысе гай илышым нигöланат ужаш-чыташ Юмо ынже пүрö», – ойлен кугезе кочамын изаже.

Юлия АНИСИМОВА.



Морко, Коркатово.

Наградыжым ужын огыл...

9 май



Кочам Сергей Васильевич Васильев Морко районысо Шлань ял гыч. Пеш изи тулыкеш кодын. Кугу сар тўнгалмеке, 17 ияш рвезым Суслонгерыш снайперлан тунемаш колтеныт. Керчь ола верч кредалмаште кочам нелын сусырген. Эмлалтмек, сержант-влакым ямдылыме курсым тунем лектын. 1944 ий 12 февральыште Германияысе Нейса энер воктене лўддымылыкым ончыктымышжлан Йошкар Знамя орден дене палемденыт, но наградыжым ужын огыл. 1945 ийыште разведкыште адакат нелын сусырген. Вара 127-ше пехотный полкыш логалын. Украиньште служитлен. Мөнгö 1950 ийыште веле пörтылын.

О.И.АНТИПОВА,

марий йылмым да литературым туныктышо.

Татарстан, Арск, Шурабаш.

Авторым пале

Кö тыге возен?

«Миклай воза:
«Мый - пулемётчик,
Любой атакышке
пурем!»

А мый,
артиллерист-наводчик,
Прямой наводко ден
почкем!»

Сергей ПЕТРОВЫН
«9 май» сўретше.
Волжский, Сотнур.

Георгиевский тасмам
кылдыме 10 йөн.



Палашда: тиде
тасмам кыдал
деч ўлыкыла да
ўпеш кылдаш
ОГЕШ ЛИЙ!

Шарнымаш сорта

– Морко район Волаксола школнат ий еда «Бессмертный полк» акцийышке ушна. Чотшо эре кугемеш. 2014 ийыште 20 фронтовикын портретшым нумал ошкылыныт гын, кодышо ийын эше шымьт ешаралте. Мемнан ялсовет гыч 1200 ефым сарыш ужатеныт, тышеч 504-ше веле пörтылын, – каласкала



туныктышо Э.А.Сергеева. – Геройна-влакым шарна-налтен, кажне ийын 9 майыште шарнымаш сортам чїктена.

Марий Элыште «Георгиевский тасмам» акций икымше гана 2005 ийыште икымше сар тул да шикши тўсан тасмам волонтер-влак теният пуэдат.

**Туныктышылан
ПОЛЫШ
7-ше классыште
лудшаш
произведений**

Семон молгунамсе гаяк эр кынеле. Содор мушкылто, чийыш. Вара кастене ямдылыме мөнгө пашажым эше ик гана терген лекте да үстелтöрыш шинче. Аваже пушланьше паренгым кондыш. Туштак, шулдыржым шаралтыше агытанла койын, самовар чушла. Ава эргылан чайым пышташ тўналын ыле, но тудыжо чарыш.

– Мый шке, авай, – мане.

Аваже киндым шулеш.

– Ошыжо шагал кодын, но кочкын каяшет сита, – эплын пелешта, шкеже кугурак пўчыкышыш ўйым шўра. – Тидыжым школышто кочкат, сайын пўтырен пыште.

– Огеш кўл, авай.

Палетыс, мемнам школышто пукшат, – манешат, Семон аважа ўмбака ончалеш. Но тунамак шинчаончалтышыже коранеш.

Рвезе кидшым киндеркышке шуялта. Туштыжо уржа киндым радамын шулын оптымо. Эше кок шултыш ош булко кия. Семон ик пўчыкышым налнежат ыле, но ала-молан чарналта. Угыч аважым ончалеш.

Семоннын аваже, кум кече гына лиш, больнице гыч пöртылын. Тушто кок арня утла киен эртарыш. Шкеже «Ынде таза лийын пöртылынам» манеш гынат, чот шупшылалтше чурийже, эркин тарванылмыже шинчалан вик пернат. Врач-влак эше арня-кокытшым пашаш лекташ шўден огытыл.

– Эргым, молан от коч? Теве школышкет вараши кодат? – эргыжым тўткын

ончен шинчымыжым ужын, мутым луктеш ава.

Семонлан кенета йöндымын чучын колта – аважа ўмбака адак шинчажым коранда. Киндерке гыч шем кинде шултышым налеш, чайгоркаш сакрыым пыштен лугалта, чайым йўаш тўналеш. Ава икмагал эргын кочмыжым шып ончен шога, вара вес пöлемыш лектеш.

Семон писын кочко, ўстембач погаш тўнале. Чайгорка, совла йўкым колын, аваже мөнгеш лекте.

КИНДЕ ШУЛТЫШ

Вячеслав АБУКАЕВ-ЭМГАК



– Эргым, мый шке, – шыман пелештыш. – Теве школышкет вараши кодат.

– Шуам, авай. Мый эше вўдым конден кодем. Тыланет уремыш лекташ ок лий, – содор кожганыш рвезе.

Аваже нимом ок пелеште. Тудо пала: чараш лучо итат тöчö. Вет изинек ача деч посна кушкын, сурт сомылым чыла шотыштат вораңдараш тунемын. Теве больницыште кийымыж годым пошкудо ял гыч коваже толын кая ыле. Шонгыенлан ик сомыл денат шогылташ пернен огыл. Семон чыла шке ыштен. Вўдым конден, пум пуртен, изи шўжаржым ончен, вольыкланат кочкаш

пуаш монден огыл. Кызыт аваже мөнгыштö гынат, кертмыж семын сурт сомылым шке ўмбакашак налаш тырша.

– Авай, мый ушкал ден шорыкланат шудым пуэнам, – вўдым пуртышыжла манеш Семон.

– Йöра, йöра, эргым.

Семон, сумкажым налын, каяш тарвана.

– Эргым, ўян киндетшым... – ава үстел воктек содор каен колта.

– Огеш кўл. Ўян ош киндым Олюк пеш йöрата, – Семон омсам тўчын лектын кая.

Семон – к а п а н , какши рвезе. Кудымшо классыште тунемеш. Икымше чырыклан табельшытыже ик кумытан гына шинча – математике дене. Тудыжымат ок налыле да... аважым больницыш пыштымеке, кок кече школыш миен огыл. Лач у темым эртенет. Вараже контрольный паша лийын, кумытаным шынденыт. «Вес чырыкыште обязательно ударник лиям!» – аважлан дневникым ончыктышыжла мане тенгече эрге.

Вич урок – шижашат ыш лий – эртен кайыш. Йынгыр почеш чылан коридорыш чымалтыч. Рвезе-влак шўкедылыт, модын-воштыл юарлат, уремыште лумым кышкен модыт – мөнгö каяшат монденыт. Семонат чиен лектын ошкыльо. Тудо уремыште юватыл ок шога, вик мөнгыжö кая. Теве энгер кўвар деке шуэш. Тыште эше кенежымак пўям пўялыме. Кызыт тудым ий комыжлен, чот кылмен.

**Ф.ЛЕБЕДЕВАН
сўретше.**

(Умбакыже –
вес номерыште.)

Марий йўла

Авам түрлө тамле кочкышым ямдыла, муным чиялта. Вара мыланем ойла: «Ўдырем, чевер муным нал да курыкышко пёрдыкташ кай. Ожно кувават тыге ыштен, мыят пёрдыктенам».

– *Молан тыге ыштыман?* – палымем шуэш да йодам.

– *Кеңежым шудо чока да кужу шочшо маньн.*

Авамын ойлымыжым шуктем. Илыш ончыко чыма гынат, йўлам арален да пален илыман.

Кугече – вучымо пайрем

иде
изи

Ўдыр – Аня
Полушина.
Тудлан кум ий
темын. Шернур
посёлкышто ила.
Ончалза, кече гай
шыргыжеш!
Мелнажым
тамленак
ончымо
шуэш!

Н.ПУШКИНАН
фотожо. ☺



Пайдале

Районышто «Мир моих увлечений» шымлыме паша конкурс эртыш. Мый «Тыгай тамле майонез» пашам темленам. Пенгыдемденам: кевытыште налме майонезыш йодым пыштымеке, тудо шемемеш, шке ыштыме майонез тўсшым ок вашталте. Конкурсышто кумшо верыш лектынам. Майонезым теат ыштен ончыза.

КЎЛЫТ: 1 кочмо совлагыч йўштө вўд да 9%-ан ук-сус, пел изи совлагыч шинчал да сапырложаш, тынарак горчице, 200 мл нёшмўй, 1 муно. Чыла тидым блендер дене лугаш.

Ангелина ФОМИНЫХ.
У Торъял, Токтарсола.

Кидмастар



Звенигово район Суслонгер гыч Лариса ИВАНОВА кугече мунылан тыгай «вургемым» пидын. Интернетыште муын, теат крючок дене пидын ончыза. Кидда лывырге лийже!

Кугече

Кече лекте эрвел вечын,
Кечыйолжым модыктен,
Толын шуо кугу кече –
Сылне Кугече пайрем.
Тиде кечым пеш вученна,
Муным ешге чиялтенна.
Кўйын шуын кулична,
Шўм-чонна чот куана.
Ўстембалне – сортана,
Тамлын ўпша арама.
Тек ылыжше Юмына.
Мемнам эре арала.

Лиана СЕМЁНОВА.
Марий Турек, Арбор.



Редис, укроп ден петрушко, шоган, немычпурса окна янакысе «пакчаш» шочыныт. Коклаштышт кува ден кугыза каналтен шинчат. Нуным Женя аваже, Алевтина Александровна, пидын.

Инна АЛЕКСЕЕВА.
Морко, 1-ше №-ан йочасад.

Ош меран

Айста модына

Йоча-влак, кидым кучен, йыр шогалыт. Ош меран покшелне лиш. Текст почеш мом ыштышашым ончыкта. Йоча-влак – почешыже. Меран көм ойыра, тудо умбакыже модышым вўда.

1. Ош меран, тёршталте, ош меран, тёршталте, Йырге пёрдын савырне, йырге пёрдын савырне!
2. Ош меран, тавалте, ош меран, тавалте! Йырге пёрдын савырне, йырге пёрдын савырне!
3. Ош меран, совалте, ош меран, совалте! Йырге пёрдын савырне, йырге пёрдын савырне!
4. Ош меран, каласе, ош меран, каласе! Көм йоратет каласе, көм йоратет каласе!

А.А.УНЖЕНИНА,
воспитатель.
Медведево, Светлый.

А.А.УНЖЕНИНА,
воспитатель.

Медведево, Светлый.



Индекс 78574.
Тираж 1300 экз. Заказ 1429.
Формат – А-4-8.
Директор-тўн редактор
Л.В.СЕМЕНОВА.

E-mail: yamde_lii@mari-el.ru,
yamde_lii@mail.ru
Сайтын адресше: yamde-lii.ru,
Тел. 45-25-49(факс);
45-22-82.

УЧРЕДИТЕЛЬ-ВЛАК:
Марий Эл Республикысе культур, печат да национальность паша шотышто министерстве, «Ямде лий» газет» кугыжаныш унитарный казенный предприятий.

Газетым Массовый коммуникаций сфериште да культур наследийым аралымаште законодательством шуктен шогымым эскерыше Федеральный службыв Приволжский федеральный округысо управленийыштыже регистрироватлыме.
Номер – ПИ №ФС 18-1999,
2005 ий 10 февральыште пуымо.

0+

Печатьыш пуымо жап – 14-00,
фактически – 13-00.
Ак – кутырен келшыме почеш.

Авторын да редакцийын шоньмашышт түрлө лийын кертыт. Серыш-влак мөнгеш огыт колталт.

Газетым редакцийыште погымо да верстатлыме, «СТРИНГ» ИПФ ООО-што ямде оригинал-макет гыч савыктыме. Типографийын адресше: 424006, Йошкар-Ола, Строитель урем, 95.

Редакцийын да издательнын адресше: 424006, Йошкар-Ола, СССР Вооружённый Вийын 70-ше идалыкше урем, 20.

Элым аралыше кушкына



Мемнан

йочасадыш коштшо ньо-га-влак тыгай шонымаш дене кушкыт:

*«Але изи улына –
Йочасадыш коштына.
Вара кугу лийына,
Энам чот аралена!»*

И.В.НИКИТИНА, воспитатель.
Медведево, У Арбан.

Тушто Шкеже –
кайык, пушенгеш
ок шич. Мо тиде?



Полина ЛАТУХИНАН сүретше.
Советский, Ўрша.

Шошо

Толын шуо

мотор шошо,
Кайык-шамыч муралтат.
Кўдыроңгыр пеледалтын,
Мемнан кумылым нолта.
Кече онча шыраталын,
Мардеж пуалеш лыжган.
Лум каен, шытак шулалын,
Пушенге-шамыч ужаргат.

Ольга ГРИГОРЬЕВА,
6-шо класс.
Морко, Шўргыял.



Нарынче, ужарге да канде тўсан чай-горкалашке шўрым, чайым да сокым темкаленыт. Чай кандыштат, нарынчыштат огыл, а сок кандыште огыл. Кудо чайгоркаш мом темыме?



Вашмут: ужар чайгоркаште чай, карынчыште сок, карынчыште шор.

МАРИЙСКИЙ РЕСПУБЛИКАНСКИЙ ТЕАТР-ЦЕНТР ДЛЯ ДЕТЕЙ И МОЛОДЕЖИ (Театр юного зрителя)

май 2016 ул. Вознесенская, 87

12 май 13.00 час. Премьера! **СИНЯЯ ПТИЦА** Фейер (на русском языке)

13 май 18.30 час. **КОНЦЕРТ** посвященный закрытию театрального сезона

Спектакли на марийском языке идут с синхронным переводом на русский язык. Художественный руководитель – заслуженный деятель искусств РФ и РМЭ **Олея Иркабаев-Этайн**

Справки по телефонам: 30-46-80, 30-46-70 www.mari-tuz.ru



Йўран
годым меран
могай
пушенге
йымалне
мала?

Майыште
чодыра вашталтеш,
кенжеым вуча.

1. Рейхстаг ўмбақ йошкар тистым кудалтыше лётчик.
2. Марий-влак кокла гыч икымше Герой.
3. А. Матросов гай подвигым ыштыше морко салтак.
4. Б. Даниловын «Миша-артиллерист» повестьшын тўн геройжо.
5. В. Ивановын романже.
6. Артиллерий.
7. Ленин орденым эн ончыч налше лётчик.
8. «Тул лонгаште» книган авторжо.
9. В. Архипов сарыште кўлийын?
10. Пўрдшў барабанан револьвер.
11. «Атаманыч» повестьшын авторжо.
12. Тушман амбразурым шке капше дене петырыше руш рвезе.
13. З. Красновын З. Прохоров нерген поэмыже.
14. Параньга кундемын Геройжо.

Коля ЗОЛОТОВ.

Куженер, Уштымбал.

Кроссворд

1				С					
2				О					
3				В					
4				Е					
5				Т					
6				У					
7				Ш					
8				Е					
9				М					
10				Г					
11				Е					
12				Р					
13				О					
14				Й					